

سهم الحب



مالك ياقلبي؟ ما كنت عايش
من سنين سلطان زمانك

وعمر دقاتك مازادت
أى دقة طول حياتك

ولا أى لحظة حب قدرت
تخطفك.. وتنول وصالك

النهارده جاى تقول لى
إن سهم الحب صابك

إزاي وإمتى وليه حصل؟
دَا انتَ طول عمرِك فِ حالك

معقولة ده الحب اللي مرة
فى المنام جالك وزارك

واللى يومها قُلتَ إنه
مستحيل يقلب كيائك

خلاص ياقلبي السهم صابك
والحب عتش بين جنابك

إفرد دراعك للمحبة
وانسى بالمرّة عنادك

واحضن القلب اللي حبّك
هتلاقيه بيصون ودادك